



## ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

**«ՀԱՅԱՍՏԱՆԻ ՖԻԶԻԿԱԿԱՆ ԿՈՒՆՏՈՒՐԱՅԻ ԵՎ ՍՊՈՐՏԻ ՊԵՏԱԿԱՆ ԻՆՍՏԻՏՈՒՏ» ՀԻՄՆԱԴՐԱՄԻ ԵՎ «ՀԱՅԱՍՏԱՆԻ ԲՈՂԻՔԻԼԴԻՆԳԻ ԵՎ ՖԻԹՆԵՍԻ ԱԶԳԱՅԻՆ ՖԵԴԵՐԱՑԻԱ» ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ ՄԻՋԵՎ**

**Հաշվի առնելով**, որ Կողմերն ընդունում են բողիբիլդինգ մարզաձևի մարմնակրթական նշանակությունը,

**Ձգտելով** զարգացնել համագործակցությունը բողիբիլդինգի և ֆիթնեսի որակյալ մասնագետների պատրաստման և մասսայականացման միջոցով,

**Կարևորելով** հետաքրքրության բարձրացումը բողիբիլդինգ մարզաձևի նկատմամբ, ինչպես նաև դրա իրականացման համար գրավիչ պայմանների ստեղծումը,

**Ընդունելով** Կողմերի պատրաստակամությունը կրթական, մարզական միջոցառումների համատեղ իրականացման համատեքստում,

**Հիմք ընդունելով** սույն հուշագիրը և փոխադարձ պայմանավորվածությունները,

**Կողմերը համաձայնեցին հետևյալի շուրջ՝**

### 1. Համագործակցության նպատակը

Սույն հուշագրով Կողմերը նախատեսում են Հայաստանի Հանրապետության օրենսդրության շրջանակներում համագործակցել հուշագրի 2-րդ մասով նախատեսված ուղղություններով՝ իրենց հնարավորությունների, միջոցների և փորձի կիրառմամբ:

### 2. Համագործակցության ուղղությունները

Սույն հուշագրով «Հայաստանի ֆիզիկական կուլտուրայի և սպորտի պետական ինստիտուտ» հիմնադրամը (այսուհետ՝ Ինստիտուտ) և «Հայաստանի բողիբիլդինգի և ֆիթնեսի ազգային ֆեդերացիա» հասարակական կազմակերպությունը (այսուհետ՝ Ֆեդերացիա) պատրաստակամ են.

- 2.1 պարբերաբար միմյանց տեղեկացնել և համատեղ քննարկել ընդհանուր հետաքրքրություն ներկայացնող հարցեր, որոնք թույլ կտան զարգացնել բողիբիլդինգ մարզաձևը, դրա տարածվածությանը և ֆիթնեսի կարևորությանը վերաբերող ոչ միայն ուսանողության, այլև բնակչության լայն շրջանում
- 2.2 փոխադարձ աջակցության ցուցաբերել մարզական, կրթամարզական միջոցառումների կազմակերպման և իրականացման համատեքստում
- 2.3 ուսանողների մասնակցության ակտիվության խթանման նպատակով տեղեկատվական միջոցառումներ կազմակերպել, ստեղծել մասնակցության նպաստավոր պայմաններ
- 2.4 Կողմերը երկուստեք պատրաստակամ են նաև.
  - 2.4.1 համագործակցել նորարարական, դրամաշնորհային ծրագրերի համատեղ իրականացման շուրջ
  - 2.4.2. օգտագործել Ֆեդերացիայի տարածքները Ինստիտուտի պրակտիկ դասերի իրականացման համար
  - 2.4.3 ներգրավել Ֆեդերացիայի մասնագետներն մարզումների անցկացման նպատակով.
  - 2.4.4 համագործակցել Կողմերի գործունեությանն առնչվող համապատասխան նյութերի հրատարակման գործում
  - 2.4.5 համագործակցել երկկողմանի հետաքրքրություն ներկայացնող ուսումնակրթական բնույթի ծրագրերի մշակման և իրականացման շուրջ
  - 2.4.6 համատեղ իրականացվող աշխատանքների արդյունքների, դրանց խոչընդոտող հանգամանքների մասին տեղեկատվություն հայցել և ստանալ
  - 2.4.7 կազմակերպել Ֆեդերացիայում ուսանողների պրակտիկան
  - 2.4.8 ներգրավել Ֆեդերացիային Ինստիտուտի կրթական ծրագրերի մշակման աշխատանքներում
  - 2.4.9 սույն հուշագրի գործողության շրջանակներում Կողմերի գործառույթների կատարման համար, ըստ աշխատանքային անհրաժեշտության, համագործակցել Կողմերի տարածքների, գույքի օգտագործման շուրջ:

### **3. Համագործակցության սկզբունքները**

Կողմերը սույն հուշագրի սահմաններում իրենց գործառույթներն իրականացնում են օրինականության, փոխօգնության, փոխադարձ հարգանքի և վստահության, համագործակցության սկզբունքներով:



#### 4. Եզրափակիչ դրույթներ

- 4.1 Սույն հուշագիրը կնքվում է երկու օրինակից հայերեն լեզվով, որոնք ունեն հավասար իրավաբանական ուժ: Յուրաքանչյուր կողմին տրվում է մեկական օրինակ:
- 4.2 Սույն հուշագրի լրացումներն ու փոփոխությունները համարվում են հուշագրի անբաժանելի մասը:
- 4.3 Սույն հուշագիրը չի առաջացնում ֆինանսական պարտավորություններ Կողմերի համար: Սույն հուշագիրը մտադրությունների մասին համաձայնություն է, ինչը պարունակում և հաստատում է Կողմերի համագործակցելու ցանկությունը և պատրաստակամությունը: Միաժամանակ Կողմերը ընկալում և հաստատում են, որ սույն հուշագրի դրույթները չունեն Կողմերի համար պարտադիր իրավաբանական ուժ:
- 4.4 Յուրաքանչյուր Կողմ կարող է միակողմանիորեն խզել հուշագիրը՝ այդ մասին մեկ ամիս առաջ տեղյակ պահելով մյուս կողմին:
- 4.5 Սույն հուշագիրը կնքվել է Երևան քաղաքում, 2021թ. ապրիլի 9-ին:
- 4.6 Սույն հուշագիրը ուժի մեջ է մտնում ստորագրման պահից և գործում անժամկետ:

#### Կողմերի վավերապայմանները և ստորագրությունները

##### Ինստիտուտ

«Հայաստանի ֆիզիկական կուլտուրայի  
և սպորտի պետական ինստիտուտ»  
հիմնադրամ

ՀՀ, ք. Երևան, Ալեք Մանուկյան 11

Ռեկտոր՝ Դավիթ Խիթարյան



##### Ֆեդերացիա

«Հայաստանի բողիբիլդինգի և ֆիթնեսի  
ազգային ֆեդերացիա» ՀԿ

ՀՀ, ք. Երեւան, Տերյան 72/6

Նախագահ՝ Գևորգ Հակոբյան

